



Naleraq

24.09.24

UKA2024/23

Hans Enoksen, Naleraq

Kalaallit Nunaanni sulinermi ajoqusernermut isumannaarineq pillugu inatsisip allanngortinneqarnissaa pillugu Inatsisissamut Siunnersuummut allaqqaakkamut Namminersorlutik Oqartussat akuersissuteqarnissaat pillugu Inatsisartut aalajangiiffigisassaannut siunnersuut (Nalunaarutiginninnermut malittarisassanik naligiissarineq, sulinermi ajutoornerit il.il. pineqartillugit akuersaarnissamut apeqquummik sukangannginnerusumik nalilersuineq)

(Isumaginninnermut, Ilaqutariinnermut, Suliffeqarnermut Nunamullu Namminermut Naalakkersuisoq)

Siullermeerneqarnera

Nunatsinni sulinermi ajoqusernermut isumannaarineq pillugu Naalakkersuisut saqqummiussaat oqaaseqarfigissavarput.

Sulinermi ajoqusernermut tunngasut inatsisikkut naleqqussaaffigineqarnissaat saqqummiunneqartoq pisariaqarluinnartoq iluarisimaarlugu saqqummiussaq nuannaarutigigatsigu.

Tassami takornartaangilaq sulinerminni ajutoorsimasut ikiorsiiffigineqarnissaminnik sivisuumik utaqqisinneqartarput inunnut taamatut ajutoorsimasut assut ilungersunartumik kinguneqartarput allaat inuuniarnikkut atugaat utaqqisitaarujussuarnermikkut annertuumik innallerneqartarmat.

Neriuppugut aamma naammagittaalliornermut tunngasut sukkasuumik suliarineqartarnissaat sukkannerusumik ingerlanneqartalernissaat anguneqarsinnaassasoq.

Ajutoorsinnaanermut sillimassiisarneru annertuumik qaammarsaassutigineqarnissaa ilanngullugu oqaatigerusupparput inuppassuit ilaatigut sulisartut allallu sinerissami najugallit ilanngullugit qaammarsaaffigineqartariaqartut Naalakkersuisunut kaammattuutigerusupparput.

Ilanngullugu aamma kaammattuutiginiarparput nunatta sineriaani aamma arbejdstilsyn aamma angalanerusariaqartoq ilaatigut sulliviit ilumut illersorneqarsinnaanersut sulisullu eqqarsaatigalugit aamma suliffigissaasut sinerissamut angalanerusariaqarput timitalimmik aqqissuussisoqarnissaa pisariaqarluinnarmat.

Assersuutigalugu aalisakkerivinni sulisut annertoorujussuarmik sulinerminni oqimaatsunik inuup nukingit kivittaarisarnerit illersorneqarsinnaanngitsumik sulisitsinerit akuersaarneqarsinnaanngillat.

Nunaqarfippassuarni eqqaavilerisut atugaat ajuissut minnerpaamilluunniit arbejdstilsyn-imik aamma suliffigissaasunik alakkarneqarneq ajorpoq, uffalu peqqinnanngilluinnartumik atugassaqartitaallutik allaat akissarsiat minnerpaartaannik akissarsialerlugit sulisinneqartarlutik.



Naleraq

Atisaajartafeqaanngillat assattorfissaqanngillat uffarfissaqanngitsulluunnit pissutsit tamakku 19 hundrekkunni atuuttut akueriunnaarlugit aaqittariaqalerput.

Taamatut oqaaseqarluta ataatsimiititaliami suliarineqarnissaa innersuupparput.